



**E LOCO A
LAGA ARUBA
GEBOLTER Y
KIER BOLTER
ARUBA UN
BIAHA MAS**

**TA UN PROCESO EXTENSO TA
TUMANDO LUGAR YA PA ALGUN
AÑA PA LOKE TA TRATA
ABUSO DI MUCHA**



**Fiscal a exigí 9 aña pa tur tres acusado
DIABIerna AWOR SENTENCIA TA CAY DEN CASO DI
TIRAMENTO BANDA DI MISA SANTA ANNA NA NOORD**



**CLAUSURA DI WEGANAN
INTERINSULAR ARUBA 2024 TABATA
UN EXITO ROTUNDO**



**SITUACION
PELIGROSO
ORA BIENTO FUERTE
ABENTA CADUSHINAN
RIBACAMINDA**



Minister Endy Croes:

CLAUSURA DI WEGANAN INTERINSULAR ARUBA 2024 TABATA UN EXITO ROTUNDO

Durante un anochi yena cu ambiente deportivo a reparti premio na e ganadonan di Aruba, Boneiro y Curaçao



Diasabra anochi den un esfera festivo, a tuma luga clausura di Weganan Interinsular 2024. Despues di dos dia di competencia sumamente exitoso cu a inicia na Aruba, a ofrece e delegacionnan di Boneiro, Curaçao y Aruba un recepcion. Durante e ceremonia di clausura diferente orador a hiba palabra, entre otro, Minister di Enseñansa y Deporte Endy Croes, directora di Comunidad y Cuido di Boneiro Sra. Silvana Janga - Servilia y directora di Cultura y Deporte di Curaçao Sra. Lizette Sambo -Velder. Tambe, a haci entrega di premio na e scol - y ganadonan overall di e disciplina di dam, trefbal y ahedres. En total Aruba a conquista 11 medaya, di cual 6 ta di oro, 3 di plata y 2 di brons. Curaçao a logra segundo luga cu 9 medaya, di cual 2 ta di oro, 4 di plata y 3 di brons. Boneiro a logra 7 medaya, di cual 1 ta di oro, 2 di plata y 4 di

brons. Mester remarca cu e medayanan individual a ser otorga despues di cada partido final.

Ademas di esaki, a reconoce y gradici Mildred Wever, Esmond Jones, Gersinio Constansia, Stallone Isenia y Naftalie Rier, kendenan ta motornan tras di e weganan escolar na e tres islanan. E anochi a culmina cu un bunita show di carnaval di e grupo di baile Dazzling Dancers, Evolution Entertainment y Quality brassband, kendenan a deleita nos bishitantenan cu nos celebracion cultural mas grandi.

Por ultimo, Minister Endy Croes ta gradici tur alumno, docente, cabesante, coach, mayor y tur cu a haci Weganan Interinsular 2024 posibel y sumamente exitoso. Alabes mandatario di Deporte ta gradici IBISA, FDDK y Indebon pa e tremendo colaboracion pa organisa e gran evento deportivo aki. Weganan Interinsular lo continua na Boneiro di 14 pa 17 di maart, unda cu e hobennan lo participa den e disciplina di basketball, aquatlon y futbol. E clausura lo tuma luga na Curaçao di 11 pa 14 di april, unda cu e scolnan lo participa den e disciplina di basketball, atletismo y volleyball.



E LOCO A LAGA ARUBA GEBOLTER Y KIER BOLTER ARUBA UN BIAHA MAS

Ta tristesa ora bo wak e gang di ladron, para dilanti camera y grita cu nan kier bolter Aruba. Baba Harde un tempo den parlamento, nan a grita Baba "Wanta e loco ey".

Atrobe nos mester dal un grito na Baba: Baba, please wanta e loco ey.

Mike Eman a laga Aruba un desaster, su famia a horta placa di Aruba den

tur sorto di forma, desde Emco cu Interbank, te cu auto di careda cu tabata core na Merca den forma di exclusividad. Pa deporte na Aruba no tabatin placa, pero pa ruman di Mike si tabata tin 2 miyon dollar pa aña! Que baina.

Nan ta reclama tur cos, lubidando cu e epoca di Sinterklaas a caba. Pais Aruba no por ta

Sinterklaas mas. Mike Eman a pone 164 persona riba su payroll, cobrando 15 mil pa luna, sin haci nada.

Corupcion tabata na ordo di dia. Tur minister tabata mafia placa di pais. Richard "Richi the Rich" Arends no a keda afo y tabata traha consehero 75 ora pa dia, na diferente compania di Gobierno.

Corupcion di permiso pa trahador stranhero. Corupcion cu tereno. Pues Aruba a keda mal gebolter, awor e loco kier bolter Aruba un bes mas?

E tene cuidow cu su partido sigui spart di otro y cu e haya un rementaso di pueblo den eleccion.



Prome Minister Evelyn Wever-Croes:

Prome Minister a reuni cu Tweede Kamer

E TA IMPORTANTE PA E PARLAMENTARIONAN DI TWEDE KAMER TA BON INFORMA DI TUR DESAROYO DI PAIS ARUBA

Durante su bishita na Hulanda, Prome Minister Evelyn Wever-Croes tabata tin un reunion cu e parlamentarionan di

Tweede Kamer. Prome Minister a indica cu e parlamentarionan aki ta parti di economia di Reino, y ta parlamentarionan



- Carni stoba
- steak a caballo
- balchi pisca
- mochi pisca
- Bami goreng cu sate
- chicken breast

565-3232



nobo cu recientemente a huramenta. Esaki ta e prome biaha cu Prome Minister ta reuni cu nan pa asina duna un "update" di tur e desaroyo di pais Aruba.

Pa duna e parlamentarionan aki un miho bista di e situacion di pais Aruba, Prome Minister a

presenta un "snapshot" riba e desaroyo economico, turismo, empleo, y finanzas di pais Aruba. Durante e reunion, tambe a toca e tema di landspakket, reforma, negociacionnan cu Hulanda y tur otro tema importante cu nan como parlamentario lo mester sa di Aruba, prome cu nan por cuminsa haci nan trabou.

Prome Minister a indica cu e reunion a bay hopi bon, y cu nan a keda hopi contento cu loke a wordo presenta na nan. Tambe nan a expresa, cu nan lo desea pa tene mas encuentronan asina, na unda nan por haya tur informacion necesario y valioso pa por ehecuta nan trabou eficientemente.



Noticia di Corte

Fiscal a existi 9 aña pa tur tres acusado

DIABIerna AWOR SENTENCIA TA CAY DEN CASO DI TIRAMENTO BANDA DI MISA SANTA ANNA NA NOORD

Diabierna awor, 8 Maart 2024, Hues lo dicta sentencia den e caso di tiramento cu a sosode 5 Februari 2023 banda di misa Santa Anna na Noord.

Luna pasa, tratamento di e caso a tuma lugar caminda e sospechosonan ta e Colombiano E.C.A. (25) biba na Aruba, D.S.H. (19) y E.O. (20). Fiscal ta acusa e trio di intento di asesinato y tambe di tabatin arma di candela riba 5 Februari 2023.

10 TIRO RIBA AUTO

Fiscal ta acusa nan di a purba mata e hombernan d C., G., y M., kendenan tabata den un auto MG. Ta asina cu d C. y G. a resulta herida di tironan. Investigacion a muestra cu tabatin 8 impacto di bala riba e auto na banda y 2 tiro den e windshield dilanti.

Banda di misa Santa Anna na Noord tabatin un accidente caminda tambe tabatin tiramento. Investigacion a muestra cu e Mazda righthand drive, no tabatin ningun impacto di

bala mientras cu e auto MG si. Dos ocupante di e MG a sufri herida di bala mientras cu di e Mazda, E.O. y E.C.A. a resulta herida door di e impacto di accidente. Ta asina cu e MG a bay dal contra e Mazda y e Mazda a sigui bay dal contra un palo di luz.

COMPLICE DI INTENTO DI ASESINATO

Fiscal a bisa cu Polis a bay na e accidente y despues a bay hospital pa e hendenan cu a wordo tira. Esnan na hospital ta d C., y G. di e auto MG y E.C.A. y E.O. di e auto Mazda. Fiscal a bisa cu d C. a declara cu e ta kere cu E.C.A. ta esun cu a tira. Ta asina cu den Corte E.C.A. a bisa Hues cu ta el a tira riba e MG. Fiscal a muestra cu Polis a mira cu tin 8 tiro riba MG y 2 tiro den windshield di e auto. A haya un huls di bala na cas di D.S.H. Polis a conclui cu ta dos arma a los tiro riba e auto MG. E.C.A., M.S.H., E.O. y L. tabata den e Mazda. For di Mazda a tira riba e MG. Fiscal a bisa cu e ta kere cu E.C.A. y E.O. a tira riba e MG. Fiscal

ta haya cu D.S.H. cu tabata stuur e Mazda, ta complice. El a muestra cu e grupo di M. y e grupo di E.C.A. a topa na Oude Molen. Fiscal a bisa cu tin declaracion di M.S.D. y L. cu ta bisa cu E.C.A. a bin cu e plan pa mata M. Fiscal ta haya cu no tabatin motibo pa a tira riba e auto. For di Lekker nan tabata sa cu M. tabata den e MG. Fiscal ta haya cu premedita E.C.A. y E.O. a tira. Na opinion di Fiscal, E.C.A., M.S.D. y E.O. complice di intento di asesinato.

EXIGI CASTIGO

Fiscal a existi, 9 aña di prison pa E.C.A., M.S.D. y E.O. Fiscal a pidi pa rechaza demanda di daño y cu lo por cuminsa un caso civil. El a bisa cu e Mazda mester keda confisca pasobra el a wordo usa pa tira riba e auto MG.

Solo di Pueblo lo informa kico ta e decision di Hues diabierna awor.

7MRT24OV--SOLODIPUEBLO

Parlamentario Ricky Hoek (MEP):

PLAN DI MAYOR A DRENTA NA VIGOR NA BENEFICIO Y PROTECCION DI NOS MUCHANAN

a 6 di Maart 2024: E tema di Plan di Mayor, cual a drencia na vigor dia 1 di maart 2024, ta uno hopi importante pa sigui elabora riba dje mirando e relevancia cu e tin den comunidad pa loke ta e proteccion di e muchanan.

Parlamentario di Fraccion di MEP, Ricky Hoek a splica cu Plan di Mayor ta uno cu a cana su caminda te cu por fin el a bira un realidad. Ta un iniciativa di colega di MEP, Michella Steenvoorde-Lacle, ken a traha duro

hunto cu su team riba e plan di mayor y e ley aki. Esaki ta un ley hopi importante pa loke ta trata e muchanan, Hoek a enfatisa.

E ley ta encera cu ora un pareha divorcia of separa, nan mester yega na otro pa asina pone riba papel kico ta bira e futuro di e yiu of yiunan, pa loke ta e responsabilidad di cada mayor, como tambe participacion di e yiu den e programa aki.

Ricky Hoek a indica

tambe cu tur esaki mester sosode prome cu e divorcio yega asina leu. "Unabes cu e Plan di Mayor ta traha, ora cu yega dilanti di mesa berde, señor hues lo puntra pa e plan di mayor aki y esaki mester wordo poni dilanti pa asina muestra cu en berdad e mayornan a traha hunto na e plan di mayor cu ta na beneficio di e yiunan".

Den caso cu e acuerdo entre e mayornan no bay segun ta desea, kieren cu no tin un plan hunto, e ora pa e

casonan aki tin 'mediation' cu ta un persona cu ta bay para meymey y cu ta bay yuda den e proceso dunando e mama y e tata e guia, como tambe na e yiu. Na final, e plan di mayor lo ta pa percura pa e guia y educacion di e yiu den futuro, e parlamentario a enfatisa.

Pa aworaki, "nos ta sumamente contento cu dia 1 di maart Plan di Mayor a drencia na vigor y sigur esaki ta bay ta na beneficio di nos muchanan, pero tambe di e mayornan,



di otro instancianan como tambe di e network cu ta rond di e mucha, pasobra e mucha mester keda central", Parlamentario Hoek a finalisa.

Prome Minister Evelyn Wever-Croes:

Prome Minister como presidente di OCTA pa 2024

E BENEFICIONAN PA ARUBA COMO MIEMBRO DI OCTA TA HOPI



Recientemente durante reunionnan na Bruselas, Prome Minister Evelyn Wever-Croes a asumi e presidencia di Overseas Countries and Territories Association, OCTA. Prome Minister a indica cu como presidente di e organisacion, e lo traha duro pa Aruba y tur e otro miembronan por sigui haya fondo di Union Europeo pa asina por sigui ehecuta proyectonan importante pa nan pais.

KIKO TA OCTA?

OCTA ta un asociacion cu ta representa e interesnan di e Paisnan y Teritorionan Ultramar (OCTs) di Union Europeo. OCTs ta teritorionan cu tin un relacion constitucional cu tres miembro di Union Europeo, Hulanda, Francia y Dinamarca. E islanan OCTs mes no ta parti di Union Europeo.

OCTA ta traha pa promove cooperacion y desaroyo entre Union Europeo y e OCTs. E ta facilita dialogo, intercambio di informacion, y

cooperacion riba diferente asunto, manera desaroyo economico, proteccion di medio ambiente, y union social. OCTA ta sirbi como un plataforma pa discuti desafionan y oportunidadnan comun cu e OCTs ta enfrenta, y ta traha pa reforsa nan vinculonnan cu Union Europeo.

OCTA TA CONTA CU UN TOTAL DI 13 MIEMBRO OCTs ta consisti di 13 miembro. Pa Hulanda: Aruba, Boneiro, Corsou, Saba, Sint-Maarten y Sint-Eustatius. Pa Francia: French Polynesia, Caledonia, Saint-Barts, Saint-Pierre-and-Miquelon, French Southern and Antarctic lands (TAAF), y Wallis and Futuna, y pa Dinamarca: Groenland

KICO OCTA TA SIGNIFICA PA ARUBA

Prome Minister Evelyn Wever-Croes, a indica cu OCTA ta hopi importante pa Aruba, mirando cu via e asociacion, como miembro, Aruba por bin



na remarke pa fondo. Den pasado, Aruba a logra hay fondo pa varios proyecto importante, entre otro e facultad nobo, SISSTEM di Univerdad di Aruba, Mobi-Bus, ampliacion di pista di aterisahe di airport, y edificio y equipo di Bloedbank.

Durante e siman cu Prome Minister tabata na e conferencia el a reuni cu e European commissioner, y trece dilanti kico ta e deseonan cu cada pais tin. A base di esaki, a logra yega na un acuerdo financiero pa e aña benidero di un suma di 15 miyon euro, cu

lo wordo reparti igual den e 13 paisnan, sumando un suma di 1.15 miyon euro pa cada pais. Tambe, Aruba a logra di haya 14.2 miyo euro di e Union Europeo pa asina finalisa e proyecto di digitalisacion di e procesonan di Gobierno.



Parlamentario drs. Shailiny Tromp-Lee (MEP):

TA UN PROCESO EXTENSO TA TUMANDO LUGAR YA PA ALGUN AÑA PA LOKE TA TRATA ABUSO DI MUCHA Cada caso di abuso di mucha ta un caso di mas!

Ta hopi cruel con un hende grandi por abusa di un mucha/hoben inocente. Kita e briyo di su wowo, e sonrisa di su cara, e inocencia di su ser y e alegria den su bida. Mi ta mama di 3 yiu y mi kier a sigura pueblo en general cu nos Fraccion y Gobierno a traha y ta sigui traha duro ariba prevencion di abuso di mucha. Cada caso ta un caso di mas. Mi ta subraya e echo cu mescos cu mi no kier nada malo sosode cu mi yunan, mi kier haci tur cos den mi poder pa preveni cu cualquier mucha ta keda abusa na cualquier forma.

Mi sa cu e sentimiento cu ta reina tin ora ta cu e pasonan no ta concretisandoliher suficiente. Pero hopi a sosode di 2018 te cu awor, esey ta algo cu nos no mester perde di bista. Ta un proceso extenso ta tumando lugar conhuntamente cu inversion den capacitacion di capital humano, infraestructura y campaña di conscientisacion y empoderacion. Alabes Parlamento a haci un ronda di consulta cu tur stakeholders cu ta traha den e keten y a ahusta, cambia y amplia e ley di zedendelicten pero na mes momento a enfatisa y urgi gobierno cu nos kier asegura cu implementacion di e ley lo tin e resultado desea. Pa e ley por tin efecto, e infraestructura y recurso humano necesario mester ta in place. Esaki ta loke Gobierno a y ta haciendo tambe. E problema mas grandi pakico hopi biaha e sentencianan ta resulta hopi abou ta pa motibo di un proceso di investigacion y documentacion deficiente. Esaki pa diferente motibonan manera falta di prueba, falta di e personal necesario y cualifica y no papia mes di e falta di material necesario pa documenta

y investiga debidamente.

Kico nos a haci caba?

Despues di 5 aña nos por bisa cu Aruba pronto lo tin un Family Justice Center, a percursu pa bin cu opleiding pa e unidad di Jeugd en Zeden Politie, a percursu pa duna mas training pa e parti di kinder verhoor y a bin cu un kinder verhoor ruimte adecuado tambe, a duna training na psicologonan pa asina reenforza e rechenan na momento cu ta haci e investigacion pa asina entrega un caso mucho mas solido dilanti huez, tambe a percursu pa Aruba haya su prome dokter forensico cual sigur lo tin su efecto positivo na momento di conduci investigacionnan den casonan di abuso di mucha. Tambe a percursu pa proyectonan maneraCodigo di Proteccion cu e meta di ekipa nos profesionalnan cu tur herment necesario pa por señala abuso sexual di mucha, pa sa ki proceso mester encamina y pa percursu cu e caso ta bira uno solido pa garantiza seguridad di e mucha y castigo pa e malhechor. E proyecto aki ta pa profesionalnan den area social, di enseñansa, husticia y salubridad.

Prevencion ta e solucion

Personalmente mi ta kere cu e accento mester keda primordialmente poni na prevencion. Pesey mes mi a y ta sostiene e campaña nacional contra abuso di mucha "Mi Mesun Heroe", cual ta un programa educativo y di empoderacion pa nos muchanan, y ta trata diferente tema den cuadro di abuso di mucha den su totalidad. Naturalmente cu esnan abusa y nan famia mester haya tur sosten, guia y ayudo profesional necesario, cual lastimamente



tampoco tabata optimal. Mediante Social Crisis Plan (SCP) desde 2018 Gabinete Wever-Croes a bin ta duna hopi atencion y realizando e inversionnan necesario pa atende cu e aspecto aki. Desde 2022 presupuesto di Pais Aruba mes ta cargando continuacion of realizacion di hopi proyecto cu a sali di SCP y na mes momento ta traha cu stakeholders activamente riba e tereno aki. Un di e proyecto cu sigur cu nos por menciona ta e cristalisacion di e edificio nobo di Stichting Hunto y e plan di maneho stipula cu ta haci posibel cu hende, sigur nos muchanan, por bay keda atendi mas liher y dirigi.

Como sociedad, como mayor, como famia nos mester realiza cu e situacion ta uno cu nos tin di atende colectivamente. Hunto Parlamento, Gobierno, instancianan concerni y pueblo den

su totalidad mester duna atencion special y real na norma y balornan den nos Pais (mediante enseñansa) reenforzando nos nucleo familiar y su fundeshi. Nos tin di enfatisa e importancia di crea relacion di confiansa entre mayornan y yiu, y keda consciente cu cada un di nos mester carga y asumi nos responsabilidad. E situacion pa loke ta trata abuso ta algo compleho pero hunto nos mester sigui traha riba dje. Mayornan tin di ta mas atento unda y cu ken nan ta laga nan chikitanan. Mester sigui empodera mayornan atraves di programanan con pa preveni abuso y con pa constata cu abuso ta tumando lugar, y con e muchanan ta wordo saca di e peligro y situacion aki. Pasobra mi kier enfatisa cu aumentacion di e cantidad di aña di straf no ta bay soluciona e problema di e mucha ora cu ya e a wordo abusa, pero prevencion si.



Lachen, gieren, brullen, maar erger je niet!

IPA SU ACTIVIDAD SOCIAL; UN EXITO TOTAL



Diabierna ultimo tabatin bochincha, gritamento pa number seis y harimento sin fin na Centro di Bario Brazil (CDBB): IPA atrobe!

Departamento Bureau Voorlichting en Sociale Activiteiten (BUVOS) di Instituto Pedagogico Arubano (IPA) a organisa un actividad social pa su studiantenan y personal. E actividad tabata den forma di un Live Mens Erger Je Niet (MEJN) cu a hiba e nomber; Lachen, gieren, brullen, maar erger je niet. Meta principal di e actividad tabata pa crea espacio pa ciudo y amor propio di cada miembro di IPA y fortalece e union den e instituto den un ambiente placentero.

E ekiponan bao guia di e comision di CDBB a bataya fuerte contra otro. Tabatin

momento cu tabatin e mesun cantidad di persona den cas. E ekiponan a pensa strategia, conta ‘moves’ y tuma decision hunto p’asina wak ken ta bay cu e titulo maximo di e evento. E resultado final ta lo siguiente:

- Prome lugar: ekipo Taalfoutjes
- Segundo lugar: ekipo Rediculous

Nos studentey docentenan ta conoci pa personanan cu ta crea ambiente tur caminda. E ekipo cu a resalta cu su bochincha ta e ekipo cu a yama nan mes Yellow Power.

Masha pabien na cada un di e ekiponan. BUVOS ya a cuminsa cu planificacion di su siguiente actividad social y ta curioso pa sa si tur ekipo lo

acepta e reto! Esaki tambe ta priminti di ta uno divertido.

E actividad aki seguramente no tabata posibel sin cooperacion di diferente sponsor cu a kere den e evento aki y cu a yuda IPA sin pensa dos

biaha. Nan ta: Valemarie Skin Care, Setar NV. Pooki Bodique, Sende Candles, Protegy Trading y Local Store. Comunidad di IPA no tin palabra pa gradici boso pa boso aporte. Masha danki di curason.

Comunidad di IPA sowieso

ta buta ambiente na tur actividad social. Bishita e pagina di facebook Instituto Pedagogico Arubano y wak pa bo mes. Apesar di tur cos, potret ta bisa mas cu palabra!



Tienda di educacion (TDE) ta un fundacion cu a wordo funda ariba 18 di mei 2012 y ta cumpliendo 12 aña di existencia e aña aki y ta un organisacion pa Mama, Tata, Wela, Welo, Madrastra, Padrastro y tur otro persona cu directo- of indirectamente tin di haber cu cuido y guia di mucha y hoben di 0 pa 18 aña.

Directiva di Tienda di Educacion ta busca un

DIRECTOR
40 ora pa siman

Funcion

E director di Tienda di Educacion ta responsabel pa entre otro:

- e maneho general (diario), personal y financiero di e tienda
- actualisa y ehecuta un plan di maneho y metanan
- e registracion di datonan
- duna guia y sostene e trahadonan
- planifica training pa trahadonan
- mantene contacto cu instancianan local y internacional, organisacionnan y departamentonan di gobierno relaciona cu e grupo di enfoke
- e coordinacion di actividadnan di PR y marketing
- participacion na reunionnan di directiva y responsabilisa su mes na Directiva

Exigencia

- HBO-diploma ariba e tereno social, di maneho of den un area ekivalente.
- Experiencia den liderazgo, no menos cu 3 aña.
- Bon habilidad analitico, critico y organisatorio.
- Dispuesto pa traha bou di diferente circunstancia, pensa cu vision, por negosha y tuma iniciativa.
- Bon habilidad comunicativo, cu tacto y bon orientacion pa e grupo di enfoke y tambe conocimiento di Aruba su “sociale kaart”.
- Dispuesto pa profundisa den e problemanan y posibilidadnan di e grupo di enfoke.
- Mester por domina Papiamento, Hulandes, Spaño y Ingles.
- Dispuesto pa por traha oranan irregular.
- Dispuesto pa sigui cursonan adicional.
- Habilidad cu computer, rijbewijs B y propio auto.
- Competencianan necesario; integridad profesional, enfoke na cliente y calidad di servicio, un lider responsabel cu por guia y tuma decisionnan necesario, un persona cu por guia y motiva y finalmente un persona cu enfoke pa logra metanan stipula, strategico y sostenibel na favor di e crecimiento di e organisacion.

Tienda di Educacion ta ofrece entre otro:

- Un funcion cu oportunidad amplio pa desaroya creatividad propio;
- E oportunidad pa amplia experciencia necesario;
- Salario atractivo conforme educacion y experciencia.
- Beneficianan secundario atractivo.

Carta di aplicacion incluso C.V., por wordo dirigi na Directiva di Tienda di Educacion na directivatde@gmail.com no mas tarda cu 22 di Maart 2024. Pa mas informacion por yama Directiva na 699-6800 di dialuna pa diabierna di 8am-5pm.

A.T.A. COMO PATROSINADOR OFICIAL DI SOUL BEACH MUSIC FESTIVAL 2024

Dia 22 te cu 27 di mei 2024, Aruba lo conta cu e di 22 edicion di evento di Soul Beach Music Festival durante 'Memorial Day Weekend'.

E evento lo conta cu un line-up di Earthquake como e artista principal riba diasabra, sigui pa e gran artista Mariah Carey cu lo pone un show di espectáculo riba diasabra, y lo culmina e weekend cu Boyz II Men como e artista principal riba diadomingo.

Segun tradicion, organisadornan ta ofrece e famoso "Early Bird Special" pa residentenan di Aruba por adkiri nan entrada na un prijs special. "E aña aki e artistanan di diferente generacion ta representa algun di e miho artistanan y miho bosnan den e industria di musica", Mark Adkins, productor ehecutivo di Soul Beach Festival Productions a laga sa. E festival ta inclui un fin di siman yena cu


entretenimento, caminda cu organisadornan tin un programa yen pa e bishitantenan cu a ta cumpra un pakete cu nan, incluyendo fiestanan riba beach, y mas.

Por sigui tur desaroyo rond di Soul Beach Music Festival riba na website www.soulbeach.com, riba Twitter y Instagram @SoulBeachMusic y riba www.Facebook.com/soulbeach.com.



MINISTER ENDY CROES TA FELICITA E GANADONAN DI E FESTIVAL UN CANTO NA NOS HIMNO Y BANDERA

Ta invita Pueblo di Aruba pa celebra nos Dia Nacional.



Diabierna y diasabra ultimo, a tuma luga e festival 'Un Canto pa Aruba su Himno y Bandera'. Cu un Plaza Libertador Betico Croes yen di publico a tuma luga e festival di adulto, mucha- y

hobennan. Publico presente por a disfruta di cuminda crioyo, boca dushi y artesanía. Minister Endy Croes acompaña pa su kerida esposa Sra. Dilailah Croes – Odor tabata presente diasabra anochi

pa brinda sosten y apoyo na tur agrupacion musical y cantante.

Un grandioso festival cu a conta cu participacion di 28 participante y 10 agrupacion musical. Pa conclui, Minister Endy Croes ta felicita tur ganado, finalista, compositor, arreglista y mayor pa un exitoso festival. Alabes mandatario di Enseñansa y Deporte ta gradici Comision Promove Cultura pa organisa un bunita festival infantil y hubenil y Fundacion Cultural di Festivalnan Folklorico pa organisa un bunita festival di adulto. Minister Endy Croes ta felicita colega Minister Xiomara Maduro y comision organizado pa organisa un bunita festival. Por ultimo, Minister Endy



Croes ta desea Pueblo di Himno y Bandera. Aruba un Feliz Dia di

ARUBA BANK A APORTA CU “DIGITAL BOARD” PA FATIMA COLLEGE



06 di maart 2024 - Aruba Bank cu orguyo a contribui na enseñansa den forma di dos digital C-touch pa Fatima College, cu e meta pa amplia e conocimiento pa e studiantenan na un manera moderno y interactivo. “Digital boards” awendia ta mehora interaccion

den klas y ta yuda mehora envolvimento y comprension di e studiantenan. Ademá e ta un forma di contribui na sostenibilidad y calidad di enseñansa. E studiantenan ta hopi entusiasma cu e posibilidadnan cu e “digital boards” nan aki ta brinda nan, “awor les ta mas dushi” nan a comenta. Aruba Bank ta reconoce nan compromiso na enseñansa y ta satisfecho di por a yuda pa por



cuminsa brinda enseñansa digital na Fatima College, contribuyendo na un futuro mas briyante pa e studiantenan. Representante di Aruba Bank, Michelle Harms, a bishita e scol y a experiancia e manera nobo di duna les.

DIASABRA TIN OPENDAG DI FILOMENA COLLEGE MAVO



Diasabra, 9 di maart 2024, Filomena College MAVO na San Nicolas, e scol cu e vision di ARTE, ta tene su dia di bishita pa publico di Aruba. Tur alumno di zesde klas di scol basico di Aruba ta cordialmente

invita, hunto cu nan mayornan, pa ta presente diasabra awo. Lo tin maestronan presentando nan les dunando tur bishitante un idea di con lesnan di entre otro N&T, ASW, Wiskunde, Aardrijkskunde, Geschiedenis, CKV (Arte), Biologie, Nederlands ta bay na Filomena College MAVO. Fecha: diasabra, 9 di maart 2024 Ora: 9:00 am pa 12:00 pm Adres: Weg Sero Preto 4, San Nicolas Directorado hunto cu



tur maestro, personal y completo pa yega na e alumno ta invita Aruba Opendag 2024.

CAMBIA PERSPECTIVA TOCANTE OBESIDAD: SA BO NUMBER Y MIDI BO PESO



Varios patruya dirigi cu urgencia pa un pelea banda di Shaba Pastry



Diadomingo mainta a drenta informe di un pelea banda di Shaba Pastry, mesora a dirigi varios patruya na e sitio. Na yegada di e prome patruya a bin compronde cu locual a pasa ta cu 2 amigo tabata discuti y a escala y yega te na pushamento pero pelea mes no. Polis a hala nan atencion pa nan no causa consternacion ni preocupacion pa otronan.

Clasificados



SOLODIPUEBLO@GMAIL.COM
CEL. 585 9500



ORACION DI DIA



Un feliz dia bendiciona colma cu hopi amor, fe y speranza den nos Bon Dios

Despues di un rato e cria a bisa su shon: 'Señor a cumpli cu bo ordo, ma toch a sobra luga!' (Lucas 14: 22)

Nos ta forma un solo curpa pa medio di nos union cu Cristo y nos ta uni mescos cu partinan di un solo curpa (Rom. 12: 5). E cria lo a haya duele ora prome invitadonan a nenga. Asina mes el a sigui cumpli cu ordo di su shon y aunke el a cumpli toch a sobra luga. Esaki ta muestra cu e ta persevera y cumpli cu zelo cu su shon y ta na paz. Nos tin cu traha pa, y sirbi Señor cu zelo (Rom. 12: 11). Pero, Señor tin mas luga, pues e capacidad pa invitadonan pa e reino di Dios ta surpasa e expectativa di cada un di nos. Hesus ta siña nos pa cumpli cu ordo di Tata. Aunke nos por pasa den tribulacion y perseverancia, oracion constantemente ta yuda paso e speranza cu nos tin lo haci nos contento (Rom. 12: 12). Paso cerca Señor nos ta na paz manera un yiu cerca su mama (Salmo 131).

Oracion: Señor regala nos gracia pa nos comparti donnan conforme Bo voluntad y biba den harmonia cu otro. Amen.



Obituario



Publica serka nos anuncio di fayecimento di bo ser keri. Nos tin 2 pakete pa ofrece;

Pakete 1: Anuncio di fayecimento te dia cu e defunto ser dera

Gradicimento y invitashon pa misa pa 3 dia AFI 250,00

Pakete 2: Anuncio di fayecimento te dia cu e defunto ser dera

Gradicimento y invitashon pa misa pa 3 dia

Na Canal 22 1x prome cu Noticiero 22 Afi 400,00

Pa mas informashon por tuma contacto cu oficina na
585-9500 of na 741-4554

ADICTO AMBULANTE A DESTRUI PORTA DI EDIFICIO UNDA ANTES E DOÑO A PERMITI NAN KEDA DRUMI

Diasabra anochi a drenta informe di cu un adicto ambulante tabata purba di kibra porta di un lugar den Klipstraat, mesora a dirigi un patruya na e sitio. Na yegada di e patruya a bin compronde cu un adicto lo a destrui porta di un lugar unda antes e doño tabata permiti e adictonan pa drumi pero despues di cu recientemente a haya un hende sin bida den e lugar e doño a



sera e lugar. Awor ora cu un adicto a haya e lugar

sera lo a purba di destrui e porta y a haci daño na e



glas. Cu ayudo di camaranan di seguridad den e

area polis lo logra captura e sospechoso.

POLIS A BAY NA E PARKINGLOT DI PALM ISLAND PA PLEITAMENTO DEN UN AUTO



Diadomingo anochi a drenta informe di cu tin algun hende pleitando den un auto na e parkinglot di Palm Island, mesora a dirigi un patruya na e sitio.

Na yegada di e patruya a bin nota cu tur cos ta tranquil y cu ya caba e auto lo a bay, polis a purba busca rond pero no a bin topa cu nada.

PUEBLO A HAÑA SU PEN BEK

Pa kualkier informacion
solodipueblo@gmail.com
of
585-9500

Polis a bay pa un accidente hit & run na rotonde Paradera



Diadomingo mainta tempran a drenta informe di un accidente na e rotonde Paradera, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda cu un auto biniendo for di pabao a pone signlight pa bay Oranjestad pero a sigi stret bay dal riba e pick-up cu a bay subi e rotonde biniendo for di Oranjestad y e auto a bay dal e pick-up.

Ambos chauffeur a para nan vehiculo pa atende e accidente. Pero un amigo di e chauffeur di e auto a presenta y a bisa su amigo pa bay numa y a logra convence y e auto a bandona e sitio di accidente lagando e chauffeur di pick-up atras. Un otro persona a tuma e number di e auto y a message e chauffeur di e pick-up e number. Polis di trafico lo keda di bay busca e otro chauffeur pa para responsabel.

**BAN BRAZIL, E WEGA DI MENS
ERGER JE NIET LIVE TA BAY
CUMINSA!**



Centro di Bario Brazil ta haci un yamada na tur grupo cu a duna nan ok via di Whatsapp, cu e fecha cu gruponan mester confirma nan participacion ta

dia 26 di Maart 2024, for di 7:00pm te 10:00pm na Centro di Bario Brazil. Ta 64 grupo so por participa den e campeonato pero lo reserva 10 luga por si

acaso algun grupo no bin confirma nan participacion. E FECHA OFICIAL CU E CAMPEONATO MES TA CUMINSA TA DIA 20 DI APRIL 7:00PM.



Cuminsa traha riba boso spandoek, uniform, borchi pa identifica bo grupo dia di apertura. Bin inscribi y sigura bo grupo pa bo no perde bo oportunidad pa participa, den e di 16 aniversario di Mens Erger Je Niet LIVE 2024. Aña pasa despues di hopi

susto Fusion Girls & Boys a bira e campeon invicto, sigui pa e sub-campeon Exclusive, na di tres luga a keda Keep On Walking, na di cuater luga a keda Eagle Giants. Pa mas informacion por tuma contact cu EDDIE DANDLAU na cell 5662208 of Whatsapp.


**Chauffeur cansa a para auto
banda di cura di airport pero a para
mucho cerca y unda ta prohibi**

Diadomingo madruga a drenta informe di cu tin un auto para cu e chauffeur colgando fey auto cu caso a dal cura di airport, mesora a dirigi un patruya na e sitio.

Na yegada di e patruya a bin haya e auto para na un sitio prohibi y e chauffeur drumi colgando pafo, polis a lanta e chauffeur pa wak kiko a pas'e.

A bin resulta cu e chauffeur tabata basta cansa y a para na banda di caminda.

Polis a nota cu enberdad e ta hopi cansa y como e ta biba cerca polis a core su auto y a hib'e su cas.



VALIDO TE DIAHUEBS 07 DI MAART 2024,
18:00 ORA

TEMPO:
AWE TARDI Y AWE NOCHI: PARCIALMENTE NUBLA Y GENERALMENTE SECO
DEN MARDUGA Y MAYAN: PARCIAMENTE NUBLA CU UN AWACERO BREVE
POTENCIAL DI AWACERO PA PROXIMO 24 ORA:

1 TE 3 MM; LOCALMENTE ESAKI POR TA DIFERENTE.

REGISTRACION DI TEMPERATURA (GRADO CELSIUS) Y
AWACERO (MM) DEN ULTIMO 24 ORA (8'AM PA 8'AM):

AIRPORT : MAX 31 / MIN 26 / 0.0 MM
WESTPUNT: MAX 31 / MIN 26 / 0.0 MM
STA ROSA: MAX 32 / MIN 26 / 0.0 MM

PRONOSTICO DI TEMPO PA PROXIMO 3 DANAN:
PARCIALMENTE NUBLA CU UN AWACERO PASAJERO.
BIENTO LO TA FOR DI DIRECCION OOST Y MODERA

TE BASTA FUERTE, POSIBLEMENTE FUERTE DEN RAFAGA.

TEMPERATURA (GRADO CELSIUS)

MAX / MIN LO TA: 32 / 26



POLIS Y AMBULANS A BAY PINDAS-TRAAT PA UN ACCIDENTE CU HENDE HERIDA NA PINDASTRAAT

brommer cu hende herida, mesora a dirigi tanto polis como ambulans na e sitio. na yegada di e patruya a bin compronde cu ya am-

bulans a lanta e victima y bay cun'e. Tabata tin un bruhacion unda informe ta bisa brommer y un tes-tigo ta bisa bicicleta y cu

lo ta cacho a bente abao y ela resulta herida pero ya caba e victima ta rumbo pa hospital den ambulans.



Dialuna anochi a drenta informe di un accidente di

Polis y bombero a bay Shellstraat pa un container di sushi na candela menasando un mall



Diadomingo madruga a drenta informe di un container di sushi na candela hopi cerca di un mall na Shellstraat, mesora a dirigi tanto polis como bombero na e sitio. Na yegada di e patruya a nota enberdad cu e baki sushi ta na candela y tabata menasa e edificio cerca. Na yegada



di bombero mesora a cuminsa cu un combate fuerte y directo pa asina domina e candela rapidamente. Finalmente a logra di paga esaki completamente.



HOROSCOPO

7 di maart 2024

Hooscop pa dia 7 di maart 2024
Un feliz y productivo dia. Aki Solo di Pueblo ta presenta bo signo zodiacal pa dia 7 di maart 2024.
Aries
Stima no solamente ta nifica ricibi, tambe mester duna. Bo economia ta estabilisa, relaha bo mes. Cuminsa cu e proyecto laboral bieu ey. E problemanan di salud lo ta facilmente controla. Number di suerte: 33, 18, 5
Tauro
Lo establece amistad solido durante un reunion habitual. Aposta p'e numbernan 5 y 7. Un famia lo tey pa impulsa bo progreso laboral. Stress lo gasta bo energia, asina ta sigura pa bo descansa adecuadamente. Number di suerte: 67, 99, 7
Geminis
Cuidao cu jaloezie, p'esunnan cu tin pareha stabiel. No lo ta mal idea pa gasta placa riba paña. Trabao no lo duna bo chens pa bo ta laaf. Lo bo por comete algun exceso sin cu e culpa nota esey. Number di suerte: 83, 72, 6
Cancer
Oportunidad di conoe persona nobo y interesante. Paga bo debenan awo cu ainda por. Lo

bo bay ta mas inspira y creativo den bo trabo. Molester leve di tipo alergico. Number di suerte: 21, 84, 4
Leo
No cera bo mes; bo pareha tey pa duna bo sosten. Refuerso economico; dia pa inverti. Wanta un poco na trabao, despues lo bo alegra. Cuidao cu e riñonnan, evita friu. Number di suerte: 51, 44, 5
Virgo
Desengaño chikito cu un hende di bo famia. Bo economia lo ta faboreci cu un placa inespera. Despues di algun luna lo bo alegra di e cambio profesional. Pone atencion na bo culpa y si e ta cansa, descansa. Number di suerte: 22, 85, 5
Libra
Amor ta transita door di bo cas. Evita e confusionnan ey cu despues lo bo lamenta den bo cartera. Realisa bo trabao cu entusiasmo y gana di cambio. Cuidao cu loke bo ta come; bo por subi di peso. Number di suerte: 81, 67, 9
Scorpio
Oportunidad di cambio den bo bida sentimental. Mal dia pa experimento economico. Traha den ekipo, lo yuda bo pa no aisla bo mes. Inicio di un cansancio importante, bo

ta prome. Number di suerte: 93, 66, 3
Sagitario
Resolve e asunto pendiente ey den bo curason. Dia algo di movcion den loke ta economia. Nan lo bisa bo algo na trabao pa mira si bo ta confiable. Obhetivo principal: hiba un bida sano. Number di suerte: 51, 98, 5
Capricornio
Bo mester ta mas comprensivo y cariñoso cu bo pareha. Proteha bo interesnan economico. Scucha consejo di bo compañeronan. E bishita na destina no por warda, pidi un afspraak. Number di suerte: 23, 45, 6
Acuario
Lo bo ta absorbi p'e asuntonan domestico. Cu placa, sigui e consejo di esunnan cu ta compronde. Perspectiva bon riba estudio, masters of curso. Cansancio acumula ta dificil pa vence. Number di suerte: 56, 96, 1
Piscis
Awe si lo bo disfruta cu bo pareha, Un dia di estabilidad y siguridad economico. Por ta lo por yega un oferta laboral hopi interesante. Lo bo recupera di e cansancio reciente. Number di suerte: 79, 59, 2

Minister Ursell Arends:

Bureau City Inspector y Serlimar cu Accion di Limpieza den Village



Den un esfuerso conhunto pa mehora e area di Village na San Nicolas, Bureau City Inspector (BCI) y Serlimar a uni forza pa un accion di limpieza cu a cuminsa dialuna ultimo. E iniciativa colaborativo aki tin como meta pa aborda e problemanan di acumulacion di desperdicio den e barrio y promove practicanan di maneho di desperdicio responsabel entre e residente y negoshante nan. E area di Village tin importancia historico y cultural pa Aruba, cu un pasado vibrante cu siguramente a contribui na e identidad unico di nos isla. Sinembargo, den e mundo di social media cu nos ta bibando

aden, departamentonan di naturalesa ya for di basta aña a cuminsa ricibi imagen y video cu ta indica e ciudadano su comportacion pa loke ta trata e desperdicio cu nan ta produci. Tambe a bin dilanti e necesidad pa mantencion di e area di Village. Tanto dato di pasado y presente ta indica un tendencia preocupante di acumulacion di desperdicio, causando retonan ambiental den e area y tambe un bista no agradabel pa e habitantenan cu si ta responsablisnan nan mes pa nan desperdicio y tambe pa Aruba su bishitantenan. "Un yamada ta bai na habitantenan di Village y tambe negoshantenan di San

Nicolas pa tuma medidanan proactivo pa asegura cu e barrio keda limpi," Minister

Arends ta remarca. "Ta esencial pa tur residente di Aruba tin un bari di sushi pa nan desperdicio di cas, tambe tur negoshante mester tin instalacion di bari grandi

suficiente pa e desperdicio cu ta produci riba nan tereno."


E colaboracion entre BCI y Serlimar hunto cu otro departamentonan di Gobierno

ta subraya e responsabilidad comparti pa mantene Aruba limpi. Mientras Gobierno ta asumi su responsabilidad den educa, informa y brinda espacio den e fase transitorio di maneho di desperdicio, cooperacion comunitario ta esencial pa promove cu reglanan ta wordo obedece. Cayanan di Village no ta bo bari di sushi.

Cualquier situacion di deposito di desperdicio inadecua, raporta esaki via FIXLaw, asegurando accion rapido door di autoridadnan relevante.

Minister Arends ta gradici e ploegnan y departamentonan cu ta traha diariamente pa aborda e problema di desperdicio. E ta keda na cada miembro di comunidad pa duna di nan parti den mantene Aruba limpi y bunita.

Cu accion colectivo y un compromiso pa un maneho responsabel di desperdicio, nos por conserva nos naturalesa y herencia cutlural cu ta defini nos Aruba dushi tera.



	3					5	6	
1			6					
		5	8			9	1	
9								
								5
	8	1			2	3		
					9			2
	5	9					4	

	7			2			4	6
	6						8	9
2				8			7	1
	8	4		9	7			
7	1						5	9
				1	3		4	8
6	9	7			2			8
	5	8					6	
4	3			8			7	

SITUACION PELIGROSO
ORA BIENTO FUERTE A
BENTA CADUSHINAN RIBA
CAMINDA NA UN BIRADA
PELIGROSO NA SERO PITA



Diadomingo mainta a drenta informe di un situacion peligroso unda biento fuerte a benta cadushinan abao net na e birada peligroso unda varios accidente a sosode na Sero Pita, me-

sora a dirigi un patruya na e sitio. Na yegada di e patruya nan a haci tur locual cu nan tabata por pero mester a pidi pa D.O.W. bin termina e trabao.

Lagrimanan y flornan por seca, su recuerdonan y tur loke el a haci y significa pa nos lo keda graba pa semper den nos mente y curason.

“Cerca Senjor mi ta na paz manera yui serka su mama”
(Salmo 131)

Cu inmenso dolor na nos curason pero conforme cu boluntad di Dios nos ta anuncia fayecimento di nos mama, suegra, wela, bisawela, ruman y tanta stima

Glenda Helena Goeloe

*18 augustus 1941 - † 3 maart 2024



Yuinan: Anthony y Charrise Kirchner-Quant
Angelo y Suzy Kirchner-Werleman
Andy Kirchner

Nieto(a)nan: Christian y Josefina Kirchner-Wittveen
Myron Kirchner y Inoira Maduro
Joël Kirchner
Kimberly y Jonathan Baarh-Kirchner
Tanya-Mariah y Richard Filiciana-Kirchner
Noami Kirchner
Dwayne Kirchner
Joshua Kirchner

Tur su Bisanieta(a)nan: Xeina, Celina, Rowan, Tahnee, Emmanuel,
Nathan, Benjamin, Ivy, Aurielle, Levie

Rumanan: Graciela Wijngaarde-Goeloe y famia (Hulanda)
Norman y Rosa Goeloe y famia (Curacao)
Sygline y Peter Verdelis y famia (Hulanda)
Sonia Goeloe y famia (St. Eustatius)
Rugia Goeloe (Curacao)

Tata di su yuinan: Angel Kirchner y famia

Bon amigonan: Grace Werleman y famia
Julio Croeze
Junior y Zoyla Croeze y famia.

Sobrino(a) nan, Primo(a) nan, Conocirnan, Bisiñanan, ayudantenan di Cas Cristelle

Demas Famia: Goeloe, Kirchner, Quant, Werleman, Filiciana, Baarh, Wijngaarde, Salas, Verdelis, Minguel, van der Weert, Arvelo, Pinedo, Vaseur, Victoria, Granville, Hato, de Castro.


Nos disculpa si den nos tristeza nos por a lubida di menciona un famia of conocir.

Ta invita pa e acto di entierro cu lo tuma lugar diasabra 9 di maart 2024 na Aurora Funeral Home di 2:00 pa 4:00 pm, despues lo sali pa Santana Catolico Pastoor Kraanwinkel na Paradera.

Nos ta lamenta cu despues di entierro nos no por ricibi bishita di condolencia na cas



Inteligencia Artificial a revela cu cancer di prostata ta dividi den dos subtipo diferente



Den un revelacion pionero cu por revolucionar e forma di diagnostica y trata e cancer di prostata, un ekipo di cientifico Britanico a descubri cu e malesa ta inclui dos subtipo diferente di e enfermedad. Segun e investigacion publica diahuebs den e revista Cell Genomics, e descubrimiento a realisa uzando inteligencia artificial (AI). E ekipo a aisla e DNA di e muestranan di 159 pashent mediante e secuencia di e genoma completo, un forma exhaustivo di analisa e totalidad di e material genetico di un persona y despues a cuminsa compara nan cu ayudo di AI. Asina a identifica dos grupo di cancer diferente entre e pashentnan. Siguientemente, e investigadonan por a integra tur e informacion aki pa genera un rama

evolutivo cu ta muestra con e dos subtiponan di cancer di prostata ta desaroya. E implicacionnan di e avance aki ta di gran alcance y ta ofrece speransa nobo n’e pashentnan diagnostica cu cancer di prostata. Door di identifica e subtipo specifico di e malesa, e dokternan por personalisa e plannan di tratamento y impedi e crecimiento di e progreso di e tumor. “Nos investigacion ta demostra cu e tumor nan di prostata ta evoluciona door di diferente manera, dunando luga na dos tipo diferente di malesa,” Dan Woodcock, investigado principal di e Departamento Nuffield di Ciencia Kirurgico di e Universidad di Oxford, a afirma, cita p’e organisacion patrocinado di e estudio, Cancer Research UK. “E comprension aki

ta fundamental, ya cu ta permiti nos clasifica e tumor nan den funcion di con e cancer ta evoluciona y no unicamente di e mutacionnan genetico individual of e expresion,” el a agrega. Segun Naomi Elster, director di investigacion di Prostate Cancer Research, tambe ta bay di acuerdo cu e organisacion cu ta patrocina e estudio, “e resultadonan aki por ta e principio p’e cientificonan por aplica n’e cancer di prostata e mesun enfoque di “divide and conquer”, cu a funciona den otro malesa, manera cancer di pecho.” Cancer di prostata t’esun mas frecuente entre e hende hombernan na Reino Uni, cu 55 mil

caso pa aña. Fuera di esey, e ta afecta un di cada seis homber den e pais a lo largo di su vida. A pesar di e nivel di mortalidad aki, casi 8 di cada 10 (77,6%), e pashentnan diagnostica cu cancer di prostata na Inglatera ta sobrevivi e malesa pa dies aña of mas.

Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado : Sorteo 5 Maart 2024 Anochi

CATOCCHI Sorteo # 8187 3789 3883 3870 MULTI-X X2 BIG 4 Sorteo # 7231 4326 MULTI-X X2 100% Sorteo # 1936 8051 ZODIAC Sorteo # 5990 4793 Libra LUCKY 3 Sorteo # 920 966 MULTI-X X2	LOTTO 5 Sorteo # 0 x Jackpot 0 x Match 4+ 0 x Match 4 0 x Afl. 12,00 Joker Letter Proximo Jackpot 550.000,-	LOTTO DIA Sorteo # 6407 0 x Jackpot 9 x Match 4 158 x Afl 8,00 06-07-22-24-28 Proximo Jackpot 56.000,-	MEGA Sorteo # 1642 1 x Jackpot 1 x match 4 4 x Afl. 500,00 55 x Afl 50,00 99 x Afl. 15,00 07-14-26-30 Mega Ball 03 Proximo Jackpot 250.000,- Afl. 350.000,-	KORSOU Sorteo #
--	---	---	--	-------------------------------

Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado : Sorteo 6 Maart 2024 Merdia

CATOCCHI Sorteo # 4202 8260 1114 5068 MULTI-X FP BIG 4 Sorteo # 4202 8398 MULTI-X X2 100% Sorteo # 2258 2214 ZODIAC Sorteo # 4202 4367 Geminis LUCKY 3 Sorteo # 1076 842 MULTI-X FP	LOTTO 5 Sorteo # 0 x Jackpot 0 x Match 4+ 0 x Match 4 0 x Afl. 12,00 Joker Letter Proximo Jackpot 550.000,-	LOTTO DIA Sorteo # 0 x Jackpot 0 x Match 4 0 x Afl 8,00 Proximo Jackpot 56.000,-	MEGA Sorteo # 0 x Jackpot 0 x match 4 0 x Afl. 500,00 0 x Afl 50,00 0 x Afl. 15,00 Mega Ball Proximo Jackpot 250.000,- Afl. 350.000,-	KORSOU Sorteo #
---	---	---	--	-------------------------------